



Na osnovu člana 37. i 87., stav 2. Zakona o državnoj službi u Tuzlanskom kantonu ("Službene novine TK", br: 7/17, 10/17, 10/18 i 14/18), a na zahtjev Ministarstva za kulturu, sport i mlade Tuzlanskog kantona, Agencija za državnu službu Federacije BiH, objavljuje

**JAVNI KONKURS
za popunu radnog mjesta državnog službenika
u Ministarstvu za kulturu, sport i mlade Tuzlanskog kantona**

Radno mjesto:

-Viši stručni saradnik za mlade i sport

- 1 (jedan) izvršilac

Opis poslova: Učestvuje u pripremi prijedloga godišnjeg programa rada i izradi periodičnih planova rada za mlade; ostvaruje saradnju i usklađuje aktivnosti sa omladinskim sektorom i omladinskim udruženjima na istraživanju o potrebama i problemima mladih; vodi evidenciju o omladinskim udruženjima i drugim vidovima udruživanja mladih; u izvršavanju poslova svog radnog mjesta saraduje sa drugim službenicima Odjeljenja i sekretarom Ministarstva, radi blagovremenog, kvalitetnog i efikasnog izvršenja poslova za područje svoga rada; učestvuje u pripremanju nacrtu propisa vezano za mlade; prati primjenu zakona i drugih propisa vezano za mlade; vrši prikupljanje podataka za izradu godišnjeg programa rada i budžeta Ministarstva vezano za mlade; učestvuje u izradi prijedloga, raznih izvještaja, informacija i drugih stručnih i analitičkih materijala kojima se vrši informisanje nadležnih organa i institucija o stanju i problemima vezano za mlade; obavlja pripreme radnje za definisanje i provođenje programa/projekata za raspodjelu budžetskih sredstava Kantona za mlade; vrši kontrolu namjenskog utroška odobrenih budžetskih sredstava Kantona za mlade; vrši konsultovanje i informisanje mladih o projektima i programima za mlade, kao i o aktivnostima i načinu realizacije istih; priprema odgovore na poslanička pitanja koja se odnose na pitanja mladih; vodi registar pravnih i fizičkih lica u oblasti sporta; učestvuje u pripremnim radnjama za definisanje i provođenje programa/projekata za raspodjelu budžetskih sredstava Kantona iz oblasti sporta; vrši kontrolu namjenskog utroška odobrenih budžetskih sredstava Kantona za sport; prikuplja i izučava literaturu iz oblasti sporta, prati promotivne aktivnosti u oblasti sporta; vrši stručnu obradu dostavljenih podataka od sportskih organizacija u svrhu izrade raznih izvještaja i analitičkih materijala u oblasti sporta; radi na svom stručnom usavršavanju; obavlja i druge poslove u okviru svoje stručne sprema po nalogu pomoćnika ministra za sport i mlade i Ministra; za svoj rad neposredno odgovara pomoćniku ministra za sport i mlade i Ministru.

Kandidati moraju ispunjavati opće uvjete iz člana 38. Zakona o državnoj službi u Tuzlanskom kantonu i to:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije

najmanje VII stepena stručne spreme odnosno visoko obrazovanje najmanje prvog ciklusa Bolonjskog sistema studiranja, što se utvrđuje uredbom iz člana 10. stav (2) Zakona o državnoj službi u Tuzlanskom kantonu;

4. da je zdravstveno sposobno za obavljanje poslova predviđenih za to radno mjesto;
5. da u posljednje tri godine, od dana objavljivanja upražnjenog radnog mjesta, lice nije otpušteno iz državne službe kao rezultat disciplinske mjere, na bilo kojem nivou vlasti u Bosni i Hercegovini;
6. da nije obuhvaćeno odredbom člana IX 1. Ustava Bosne i Hercegovine.

Pored općih uvjeta kandidati moraju ispunjavati i posebne uvjete propisane Pravilnikom o unutrašnjoj organizaciji i to:

-Visoka stručna sprema - VII stepen odnosno visoko obrazovanje najmanje prvog ciklusa Bolonjskog sistema studiranja, koje se vrednuje sa najmanje 240 ECTS bodova – struke društvenih nauka-smjer socijalni rad ili menadžment u sportu, ili struke humanističkih nauka-smjer pedagog, psiholog ili pedagog/psiholog (**obavezno upisati traženi smjer visoke stručne spreme u dijelu prijavnog obrasca Agencije „Obrazovanje“**),
-najmanje 2 (dvije) godine radnog staža u struci, nakon završene visoke stručne spreme.

Prijavljivanje-potrebni dokumenti:

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Tuzlanski i Posavski kanton, Trg Slobode bb, 75000 Tuzla ili na web stranici Agencije www.adsfbih.gov.ba).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom [Obrascu uvjerenja](#) (može se preuzeti u prostorijama Odjeljenja Agencije za Tuzlanski i Posavski kanton, Trg Slobode bb, 75000 Tuzla ili na web stranici Agencije www.adsfbih.gov.ba). Nisu izuzeti od polaganja ispita općeg znanja, kandidati koji imaju rješenja nadležnih organa drugih upravnih nivoa vlasti u Bosni i Hercegovini o oslobađanju od polaganja stručnog upravnog ispita.

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.adsfbih.gov.ba. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavjestiti o vremenu i načinu dostavljanja dokaza o ispunjavanju uvjeta javnog konkursa.

Ovjerena fcc diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način biti će odbijene kao neuredne.

Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave, u „Službenim novinama Federacije BiH“ neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH“, putem pošte, preporučeno na adresu:

**Agencija za državnu službu Federacije BiH
Odjeljenje Agencije za Tuzlanski i Posavski kanton
Trg Slobode bb, 75 000 Tuzla
sa naznakom:**

**“ Javni konkurs za popunu radnog mjesta državnog službenika u Ministarstvu za
kulturu, sport i mlade Tuzlanskog kantona sa pozivom na broj: 09-30-8-316/20 ”**

DIREKTOR

Refik Begić, magistar uprave